

犯之流血滿野守之為旱民饑軍叛入為火
災功成見逐或勾已大人戰不利填星犯之
有急令行疾有客兵入則有赦穀不成人不
安守之風雨不時為旱米貴大人歎危宗廟
有客兵太白犯下多孤寡兵喪出則政急守
之臣叛君入則大臣下獄辰星犯春秋有水
守之亦為水災在東為春水南為夏水西為
秋水北東有雷雨水客星犯羅貴守之兵起

近期一年遠則二年有哭泣事出為兵喪
星犯之國凶有叛臣出為野戰流血國有叛
臣流星犯光潤出入則冢宰受賞有赦令色
黑大臣死入而色青有哭泣事黃白有受賜
者出則貴人求醫藥雲氣黃入為喜蒼為哭
赤火黑水白有弊客來

董生曰茫茫天道豈不悠哉而術家能測之
天測人乎人測天乎諺曰雖鞭之長不及馬

腹余述章丘星野而概全齊游及馬腹矣

章丘縣志卷四

山川考

考曰余生平每遇佳山水輒低徊不能去
若其魂魄然而章丘居海岱之間當山水
之會其名泉秀嶺亦多有令人應接不暇
者余蒞邑幾二禩案牘牛馬作苦不能以
時寓目賞心發孫登之嘯動太白之呼携
謝朓之句了向平之願余豈人哉即時有

腹余述章丘星野而概全齊游及馬腹矣

章丘縣志卷四

山川考

考曰余生平每遇佳山水輒低徊不能去
若其魂魄然而章丘居海岱之間當山水
之會其名泉秀嶺亦多有令人應接不暇
者余蒞邑幾二禩案牘牛馬作苦不能以
時寓目賞心發孫登之嘯動太白之呼携
謝朓之句了向平之願余豈人哉即時有

游涉亦如鹽車之驥暫爾息肩樊籠之隼
偶然入林其局促困憊之狀仍未脫離惡
能蹠趾頡頏取追風冲天之適邪青蓮居
士嘗言紱冕大賢處之若遊青山臥白雲
逍遙偃傲無適不可小才居之情若桎梏
清風朗月河英嶽秀皆為棄物然則章丘
亦余桎梏耳逍遙偃傲未諗何時因撫枱
舊志洎父老所說為山川考以當臥遊

稍從頌當圖寓目賞心作一番快暢事定
不敢負此生平魂魄且令山靈河伯笑余
俗也

山

女郎山在縣北一里山頂有三陽洞深邃可
遊憇相傳葆光子于此學道三齊記云章亥
有三女溺死葬此故名高塚見存或曰子張
之墓或又曰齊匡章子未詳孰是

龍盤山在縣南二十八里三齊記云周初有神龍潛此故名上有神跡祠相傳姜源所履伏琛云宋濟南太守蕭承之立祠山上其妻亦學履而產齊帝于欽齊乘云姜源炎帝後有駘氏之女高辛氏世妃后稷母也駘舜封后稷之地元和志郤在京兆武功縣路史駘在費縣南遠者數千里近亦五百餘里姜源未嫁不應至此既嫁則高辛都亳河南偃師地豈在齊乎伏琛之論殊妄

○ 費山在縣東二十五里淄川鄒平二界于欽齊乘云三齊畧曰鄭玄注詩書棲遲此山上有古井獨生細草葉似薤俗謂鄭公書帶草一名費堂嶺與長白山相連元遺山濟南行記顧曰范文正公學舍在焉故曰費堂嶺蓋未見古圖經耳

○ 樂盤山在縣南二十七里三齊記云下有樂

盤城即平陵王與陽丘侯餞送之地

危山在縣西南四十里齊乘云在縣東北五里者誤寰宇記云漢文帝十六年封齊悼惠王子為齊孝王景帝三年孝王與吳楚通謀自殺葬此墓在山巔今人呼為鐵墓

亭山在縣西南五十里隋置亭山縣以此名齊乘云即桀死處湯放桀于南巢書傳皆謂今廬江巢縣獨尸子云放之歷山豈古有巢

氏治琅琊之石婁山齊地亦有南巢邪又桀死后其子淳維妻其衆妾遁于北野隨畜轉徙號曰葷育若桀死南方其子豈能北遁自齊奔漢則易矣隋唐有亭山縣見古蹟

長白山在縣東三十里

古肅然山

高峻秀拔遠望

蒼翠參差如筆架之狀故又呼為筆架峯根盤甚大山連鄒平縣今入鄒平昔范文正公隱處長白即此山太平御覽云長白山

此山雲雨長白故名西南又有大湖山二山並有石室敗漆船上有記皆謂堯時物元和志云於陵城西長白山高二千九百丈周六十里昔陳仲子夫妻隱此山阿有醴泉寺相傳志公卓錫之地宋范文正公讀書寺中日惟一粥偶見窖銀覆之而不取後為西帥僧人求為修寺公使焚之取窖中銀儘周于用上下二書堂在巒堂嶺會仙峯下皆宋代所

建遺跡尚存今寺內有范公祠舊說公與齊居秋口公讀書此山相去百里往來省親劬甚後知青州優人戲曰落霞與孤鶩齊飛秋口到長山一百公悲感不自勝秋口在今顏神鎮土人亦名其處為范公書堂

山在縣西南六十里有房彥謙墓

距山在縣西南十里昔柳詒居此故名距山又名柳將軍山

東陵山在縣西南二十八里與龍盤山相連
寰宇記云盜跖死處山南有盜跖塚

鷄山在縣西南四十里相傳古有錦鷄鳴其上
候之者獲一石潔白如玉因以名巨合水
出此山下俗名雙女泉

胡山在縣南五十里明秀鄉相傳古有仙
仙婆脩道此山皆符壽考今有公婆廟遇旱
禱雨即應其山有泉深可避兵俗目為寨山

有洞人跡不到有雙鷹巢于上形高二尺許
每年抱二雛大者飛小者仍在山有三麓南

麓北麓中麓中麓即李太常開先讀書處

冶山在縣西六十里唐時冶鐵于此故名

四山在趙山南四峯對峙下成十字路可通
行故名

虎山在縣西南六十里積石巉巖類虎踞之
狀山麓有拔注泉俗傳古有將士樹梨于此

既而拔槩泉隨湧出山在鷄山西北下有漿水泉其水味類漿

虎門山在縣西南六十里石崖中斷若門故名

小荆山在縣東十里東為聖泉寺

長城嶺在縣南九十里萊蕪縣界嶺間有古長城齊宣王所築以禦楚寇西接平陰東距大海平頂山亦名四

天倉嶺在縣東南七十里俗傳有古軍士困乏至此忽見一巨蟻啣粟前過因隨觀至嶺上得穴焉發之獲粟以濟饑嶺因得名

黑牛嶺徐歷志云在縣南百餘里高峻深邃多產良木遠望蒼然凡遠近所需材木悉採諸此

分水嶺在縣東南三十里其水自嶺東西流故名

遼高唐縣故城東又東北遼灤陰縣故城北
又東北遼考縣故城南又東北遼崔氏城北
東南遼東朝陽縣故城南又東遼漢徵君伏
生墓南又東遼鄒平縣故城北又按酈道元
註云灤水出東郡武陽縣又云武水亦名灤
水又去濟至古平安為淵渚謂之平州沉又
東北至琅槐鄉有古黃河通濟枯渠謂之灤
河地理志云灤水出高唐今東昌高唐武陽

俱不見灤水俾其經道止崔城東朝陽係本
縣故名餘皆去縣尚數百里齊乘云出逢陵
故城西南經章丘城北入濟水即長白山之
灤河又不合豈古有兩灤水一出西高唐一
出東高唐而禹貢所云浮孟子所云滄滂天
子所垂釣而食馬者皆在武陽之灤而今已
廢塞不復存抑地名沿革不一河水轉徙
無常長白山之灤即武陽之灤邪蔡沈註乃

云漯黃河之支流沈宋南渡以後人未嘗親
歷其地無足深異道元北魏人于欽又齊人
習精博古圖經余欲起之九京面相印可然
其人骨朽久矣姑書之以俟博雅君子
小清河在縣北三十里源出濟南即灤水劉
豫所鑿灤水今從華不注東入大清河故道
而墨祗柳塘口以東為漯河所經之道

水漏河在縣西南七里許每夏秋暴雨則溢

城南五里許與清河合盈涸不常時或
徐壁論云按河源出縣西南群峪中水清
而駛東北流至明杜庄之石厓泊然而止土
人名其處為滲水灣夏秋積雨群峪之水來
匯溢至城南會于淄河兩既霽灣以下復爾
枯竭故以漏河目之然曰滲曰漏土人知為
河之滲漏而不知為濟之伏也先儒謂濟水
性下勁疾能入河穴地流注顯伏以今考之

是河自濛水灣以北二十里至於月宮於枯
河涯側泓顯一泉又東北四十里至於明水
則湧百脉麻灣諸泉驗之色味皆同水勢相
敵蓋泉自濛水灣伏流地中經月宮見而仍
伏至百脉麻灣而後湧出也所謂若斷若續
而實有源流或見或伏而脉絡可考者是已
南豐曾氏記灤水自渴馬崖潛流地中至歷
城西有泉湧出高或至數尺其傍之人名

曰趵突泉正與此同禹貢導東流為濟齊州
正濟所經若灤水若是河蓋皆濟之旁出者
若其暴溢則潢潦耳非河之本水也

白雲湖一名劉郎中陂舊志云在縣西北七
里許周圍六十里產有魚藕菱芡蒲葦之利
洪武十四年設河泊所置小船一百一十隻
歲辦課鈔共一千一百貫十七年因課少裁
單原辦課鈔附舊軍鎮稅課局收納正統五

年奉行在戶部勘合查出續添小船二百四
隻歲增課鈔二百四十貫余按湖今枯竭船
隻皆廢稅課大使又經裁革湖田已被 德
府討作子粒地李開先太常有白雲湖者
百脉水縣南三十里明水鎮方員半畝許其
源直上湧出百脉沸騰狀若聯珠清瑩寒冽
故名即繡江源也按水經濟水自臺縣東北
合芹溝水又東北迺管縣南而道元注云右

納百脉水百脉水出土穀縣故城西水源方
百步百泉俱出故曰百脉西北流迺陽丘縣
故城中又西北出城北迺黃巾固又東北流
注于濟濟水東又有楊渚溝水迺於陵故城
西南西北迺土鼓城東又西北迺章丘城東
又北迺甯城西而北流注于濟水元和志云
出亭山縣東北郡國志云十二芹溝俗名麻
灣楊渚水或即楊緒漂河也曾南豐齋二堂

記云太山之北與齊東南諸谷之水西北匯于黑水之灣又西北匯于栢崖之灣而至渴馬之崖泊然而止至歷城西湧出趵突之泉嘗有奔糠于黑水灣者見之于此其注而北謂之灤水齊多甘泉顯名者十數而色味皆同皆灤水之旁出者齊乘云按龍洞山中朗公谷諸水東西伏流土人云西發趵突東發百脉驗之信然蓋濟南衆泉皆低陰伏流所發西則趵突為魁東則百脉為冠耳

巨合水水經云巨河水南出鷄山北逕巨里故城耿弇討田田與敢敢又北合武原水俱北流數十里乃相合合北入小清河巨合之得名以此道元云巨里里三面有城西有深坑坑西即耿弇營蓋二水環遶因崖與城以為險固也聖水在縣東十里餘去聖泉寺南半里發自小荆山入漯河

東麻灣在百脉泉左百餘步泉源湧沸上出狀類百脉而微西流滙于百脉泉

西麻灣在百脉泉右三里許泉自石壑中湧出東北流滙于百脉泉按郡國志即芹溝水明淨泉去百脉泉三里許其泉至潔纖塵不留土人取以洗目側出西麻灣徐璧論濟水分支伏流地中至縣西南出為灰漏河至滲水灣乃伏入地中至是始出而為四泉合而

水奉會為白雲湖之東北入小清河始與濼水會又東入大清河乃復其濼之本源云

聖泉在縣北一里聖泉井井內有甘泉
後聖泉在縣西南六十里虎山之麓俗傳討遼
聖泉在縣北一里聖泉井井內有甘泉

聖泉在縣北一里聖泉井井內有甘泉

不... 今... 勝... 名...

...

...

...

...

...

...

三四名以巖色不虛也內長白山入隸鄒平

巖堂嶺今隸淄川龍洞巨合今隸四城余仍

載右方者非敢借他邑之勝以誇四麗闕古

諸志乘悉隸縣境內不欲挂漏耳

山川

章丘縣志卷五

祠宇考

考曰夫祭有其舉之莫敢廢也故法施民
勞定國死勤事禦灾捍患與夫山林川澤
之屬法皆得祀古昔聖王假靈覲巫徼寵
祝宗寧獨自求福田利益政以昭孝事祖
通神明來嘉生造元元小民之廕耳章城
如文廟從祀諸賢揭日月而行宇宙無容

章丘縣志卷五

祠宇考

考曰夫祭有其舉之莫敢廢也故法施民
勞定國死勤事禦灾捍患與夫山林川澤
之屬法皆得祀古昔聖王假靈覲巫徼寵
祝宗寧獨自求福田利益政以昭孝事祖
通神明來嘉生造元元小民之廕耳章城
如文廟從祀諸賢揭日月而行宇宙無容

更議外其餘如鄉賢名宦社稷山川城隍
土地獄神八蜡馬神厲壇關侯業奉新典
亦符古法其孰得而廢之他皆民間所私
相尸祝者似在芟夷之例假令梁公而在
毀諸已乎余間又按屈原所著九歌若雲
中君湘夫人下至國殤山鬼亦皆歌樂鼓
舞以樂諸神毋亦緣其信是好祀之俗不
欲中變邪章丘良間諸祀曰文昌曰玉皇

曰東嶽曰玄帝曰寺曰觀曰鄒衍祠曰生
祠曰鄉先生祠曰雙烈祠夫鄒衍雙烈鄉
先生祠以祀鄉衍生祠以祀官業寺以祀
空王觀以祀玄聖王皇即光嚴妙樂太子
玄帝即淨樂國王太子文昌即清河叟子
梓潼帝君東嶽即少海氏子金虹真人諸
如水母府君三清三觀皆不見紀載余因
民之望不欲棄而不錄聊載其後以附屈

原國殤山鬼之誼若必欲窮其源流則姑
俟諸鬼之董狼

正祀

文廟在明倫堂西祭以春秋二仲丁日

啓聖祠在文廟後祭日同文廟

兩廡在文廟兩旁祭日同文廟

名宦祠在文廟儀門之東祭日同文廟

鄉賢祠在文廟儀門之西祭日同文廟

四文公祠祀唐文昭公房玄齡元文簡公

劉敏中文忠公張養浩文穆公張起巖

社稷壇在城西二里祭以文廟之明日

山川壇在城西南二里祭以文廟之又明

日

城隍廟在縣治西南隅祭日同山川

八蜡廟在縣北女郎山巔正統九年知縣

田疇建祭日同山川

馬神廟在太僕寺東祭日同山川

邑厲壇在城北一里祭日以清明中元孟

冬朔

漢關侯廟在縣治西北知縣茅國縉建春

秋有祭祭日同山川

土地祠在縣治儀門之東西向祭日同山
川

獄神祠在監內南向祭日同山川

寺觀

義勇武安王廟在女郎山之麓碑文二首

一為張祖信撰一為宋政和三年濟南

路儒學正李端臨撰碑文殘缺難辨

玉皇廟在女郎山巔布政使黃善承建

文昌祠在明倫堂東南隅知縣張企程建

祭日同文廟

東嶽行宮在縣治東北清平鄉張家莊

泰山行宮在危山之巔

女郎祠遺迹在縣北女郎山今無

三清朝嘉靖辛酉重修邑人禔子方記碑

在女郎山巔

東嶽廟在女郎山巔

泰山行宮在女郎山邑人張國壽記宮左

有女郎增修洞宇記碑在三陽洞

順德夫人祠在普濟鎮

水母廟在水寨鎮

青山府君廟在縣南五十里文祖鎮

平陵王廟在縣西南四十里危山

三官廟在縣東一里邑人李開先記

廣嚴寺在縣治西南舊名琉璃寺

大雲寺在縣治西北隅建自唐開元

盤泉寺在縣東南二十五里

繡江寺在繡江橋東岸今僧會司

聖泉寺在縣東十里

修慧寺在縣西北臨濟鎮

龍泉寺在縣南二十五里明水鎮中有百

脉泉雪簑題龍泉古刹四大字又于殿

上題梵王宮三大字又對一聯臺樹屯

陰翡翠半涵梵率殿池濤漾玉水雲深

鎖梵王宮

柳塘寺在縣北三十里柳塘口

石佛寺在縣東南四十里普濟鎮

興國寺在縣南四十里鷄山上

大聖院在縣西南七十里米石山文簡公

劉敏中記

洪福院在縣西北張家林鎮三十五里

真武廟在縣治西北廟內有雪簑書金闕

化身四大字又對一聯足躡龜蛇廣千

萬億分身形化手搏日月周七十二慧

眼邊觀

靈應觀在女郎山之麓舊為庵元玄冥真人改為觀至元庚辰重脩濟南路儒學正鹿思固記成化八年重脩湖廣荊州府同知甯祥記碑俱在廟

通真觀在縣南五十里步村鎮

祠堂

鄒衍祠堂在縣治東門外新建

錢公生祠在學東

趙公生祠在按察司東

董公生祠在縣治東有碑記

沈公生祠在縣治東有碑記

李公生祠在布政司西有碑記

茅公生祠在縣治北有碑記

張公生祠在縣治東有碑記

鄉先生李公祠在明水鎮有碑記

雙烈祠在太僕寺南有碑記萬曆拾陸年
奉

聖旨建

董生曰嗟呼淫祀不經章立之祀不浸浸近
淫乎然莊語不如狎語張耳陳餘不如廝養
卒匹夫相怒持券冒刃走死地如鶩或語之
以如采柱下至必袖手屈膝相戒不敢犯假
令顏曾周程揖讓勸諭于其側寧樂足聽之
民之不可戶說渺論尚矣神道設教何必素
王之宮 鄉先生之杜哉

章丘縣志卷之四

古蹟考

城

郭

亭館

兵隴

考曰賈祭靈均之壘陸吊魏武之陵桓可
處仲之墓蘓悲此陽之戰崔灝黃鶴李白
鳳臺子昂燕市故之阿房皆揚麗藻于有
懷瀉雄心于不律一回首風塵側身天地勝
場不遠俠骨再香政緣同此臭味不關侈
彼闕巨也彼其既杳今將無同東首朝陽

章丘縣志卷之四

古蹟考

城

郭

亭館

兵隴

考曰賈祭靈均之壘陸吊魏武之陵桓可
處仲之墓蘓悲此陽之戰崔灝黃鶴李白
鳳臺子昂燕市故之阿房皆揚麗藻于有
懷瀉雄心于不律一回首風塵側身天地勝
場不遠俠骨再香政緣同此臭味不關侈
彼闕巨也彼其既杳今將無同東首朝陽

傷井邑之易改西目平陵嗟帶礪之難尋
北眺女郎悲美人之塵沒南瞻書帶愴名
士之煙銷有淚堪灑無魂可招於是為古
蹟考庶幾賈陸稊但之志崔李陳杜之風
又按于欽齊乘古頃凡例有四一城郭二
亭館三丘隴四志聞志聞者碑銘詩說也
余刪其志聞之例附載執文志而城郭亭
館丘隴仍從其舊毋一投筆輒黯然不自

禁將恐後之視今不無如今之祝昔云

城郭

夫雪嶺金城越千秋而不壞丘壘關里更
億劫以長新蓋皆玄聖逍遙之域素王遊
息之所鬼神呵禁皇王追崇以得巋然長
存不隨世為銷化其餘雖赤如火堅如石
竒踰五羊高踰百雉無不幻為平原鞠為
茂草忠臣過之啣淚騷客感之灑翰斯策

子所以咏麥秀國風所以歌黍離明遠所以賦蕪城商隱所以吊隋宮也章丘按舊志有古城十餘所除一為縣治餘仍有十然亦其名在耳即父老兒童或能指其墟話其舊事然半是牛羊生芻之場田叟耕樵之地風景雖似井邑已非余每過之即愴然興懷然已無能磨洗而認前朝矣

東平陵城濟南東七十五里春秋譚國齊桓

滅之古城在縣西與龍山鎮對漢為東

平陵縣右扶風有平陵故城此加東文帝封

齊悼王子子辟光為濟南王都此東晉時

此城北石虎一夕移于城南有狼狽十餘

隨之迹皆成踐趙王石虎遂起南寇之計

歷代皆為縣宇文周始廢隋亂土豪李蒲

據城歸唐武德二年置譚州平陵縣以蒲

為摠管貞觀中州縣相繼俱廢都督齊王

祐反土人李君弼小房繼伯據縣不從抗表
以聞太宗嘉之故曰齊州平陵百姓自隋
末至今嘗懷忠誠不從寇亂宜加優獎以
旌義烈改縣名全節後廢入厯城縣此城
漢為王都唐為州治故周二十餘里雉堞
高峻三齊記乃以為殷帝乙之都按書序
自契至湯八遷自湯至盤庚五遷並無都
齊者况帝乙乃武乙之子紂之父也武乙

帝乙皆居朝歌遠紂而亡豈在此地城西
北有陰地數畝天色澄霽亦石雲陰迫視
則無記謂青州有地鏡水影亦此類譚即
郟城西北十五里有廢奉先縣城見齊後
陽丘城在城東南三十里按班固漢書王子
侯表孝文四年五月甲寅封齊悼惠王子
安為陽丘共侯後漢省至高宗乃以黃中
城立章丘縣

甯戚城在縣東北三十里水經注揚緒水經
甯戚城亦漢孝武封魯恭王 丁恬為寧陵
侯之邑

朝陽城在縣北五里按漢書功臣表高祖七
年三月壬寅封華寄為朝陽齊侯又按王
子侯表孝宣本始元年七月壬子封廣陵
厲王子聖為朝陽侯高齊廢入章丘隋復
置改曰臨濟唐屬齊州宋咸平四年復省

入章丘以其地為臨濟鎮古城在鎮東杜
預云西北有崔氏城丁公邑

亭山城在縣西南四十里宋元嘉中于此置
濟南縣屬頓丘隋開皇初改曰亭山唐元
和中省入章丘

臨濟城在縣西北六十里隋開皇十八年改
朝陽為臨濟宋咸平四年廢為鎮遺墟尚
樂安城在臨濟鎮東八十里即漢千乘郡

古城即崔城在縣西北二十五里不知始於何年遺墟見存考之東漢郡國志濟南國東朝陽杜預曰縣西有崔城左傳襄公二十七年崔成請老或即此城

新城在縣北七十里大清河之濱莫詳其始遺墟見存

水寨城在縣西北二十五里莫詳其始顏祀無存

管城臨濟鎮北記云晉太康志以管叔之後封于此齊滅管故其子孫仕齊齊乘則云書稱致辟管叔古史謂管叔鮮罪大無後管夷吾出自周穆王至夷吾始顯豈管叔之後鄭州管城乃管叔所封魯有管邑大夫采地堆齊無管城此即漢之管城而傳寫致誤

亭館

夫稗澤坵墟不沒季倫豪爽蘭亭已矣仍
留逸少風流畫棟朱簾應惜色於落霞孤
鷺江風山月寧資竒于殘壁斷崖諸若羊
公峴山庾亮武昌中立綠野稚圭晚香皆
地緣人重跡藉言文故雖百世以下不無
埋沒于寒烟衰草之中荒涼于樵叟牧童
之手而好事之家吊古之士猶想其蹤際
恨不同時或願為之新以存遺跡故知之

秀之所鑒賞即名之所留連也東城亭

館自漢以上無可稽獨鄭康成注書堂今

隸淄川范文正公讀書堂今隸鄒平其餘

皆金元名士或逍遙丘壑之間或盤桓案

牘之暇今雖興廢異軌寂誼殊境然賢豪

遺跡不宜與其人俱往余為考而列之倘

亦足以存先輩之風雅閱後賢之嚮往乎

注書堂縣東漢鄭玄箋詩書在此山下有書

帶草今隸淄川

讀書堂縣東二十五里黌山上宋范仲淹讀
書處一名黌堂今隸鄒平

甘澍亭在女郎山金縣令承直劉公建沂州
教授劉璠記今廢

繡江亭在縣東繡江之濱金元好問與張子
鈞張飛卿觴于繡江亭即此

飲江亭在縣東西元縣令李惟肅建有

劉敏中記

含輝亭在縣東南五里元劉文簡公所建今
廢

野亭亦劉文簡公所建為游息之所有張養
浩題江神子其上今廢

濯纓亭在縣南三十里明水鎮東麻灣之上
相傳張古齋所建亭廢惟存恠石一片站
立荒址中

藏雲亭在縣東南一十五里元浙江行省參政張元朴所建亭下鑿池方圓二畝許畜魚其中旦夕游宴今廢

栢軒齊廢士頓丘宋君慶築有張起岩記

丘隴

夫高岸深谷儵爾易形滄海桑田頓然幻相故周鼎可遷秦宮可夷洛陽之銅駝可荆棘汴水之瓦礫耕牧而賢臣名士

子烈婦一抔之京之跡罔不金石長

新松楸無恙匪獨神靈之所呵衛抑亦人

心之所注嚮焉昔齊王禁樵于士師漢祖

遣祀于公子宋帝脩廢于下邳唐皇遺真

於曲江青塚加高白楊益采故知勛伐誠

茂名行不爽沒後何減生前千劫可如一

日也晉人嘗言曹蜎李志雖在厭厭如死

人庶頗李牧雖千載上人至今猶有生氣

余嘗嘆服以為知言往正德中流賊過鈞
陽相戒不入馬端肅之墓及入泌陽則取
焦芳閣老衣冠着之大肆侮罵顏燭云生
王之頭不如死士之魂余亦云生相之宅
不如死卿之立矣章丘三齊之西界故多
君子風流雖盡立墟猶存而縉紳父老望
之必流涕者為數亦時復中之故叙列

明得君子墓而

陵王亦與焉或曰貨

叛魯平陵背漢不宜載余應之曰天生大
賢不數天生大惡亦不數天生大賢令不
朽天生大惡亦令不朽余載陽貨平陵王
墓政桓宣武所云遺臭萬年耳非與流芳
百世者埒也

上古

赤胥氏墓在朝陽城內伏羲氏臣

夏

章女塚在女郎山俗傳章夾有三女葬此

周

陽貨墓在縣西北十里

鄒衍墓在縣東一十里

王蠋墓在縣東十五里

漢

酈生墓在縣北鎮南食其為田廣所

烹故山有烹

在高陽未詳是否

劉敬墓劉敬即中敬在城西十餘里有大

冢相傳為敬或又云敬墓在膠州

平陵王墓縣西四十里危山之巔一統

志以王為漢小室今考漢宗室無封平

陵王惟寔字元記曰漢景帝三年齊孝王

與吳楚通謀日殺葬此今八呼為鐵墓

疑即孝王墓不知何以稱平陵王豈以

臺灣國家圖書館, NATIONAL CENTRAL LIBRARY, TAIWAN, R.O.C.

其地屬平陵 邠墓旁有祠

周登墓在危山 一陽

伏勝墓在朝陽 以城東五里見水經或又

云在鄒平縣 水十八里

唐

房彥謙墓在 西南七十里趙山之陽

百藥撰文 陽詢書八分体字漸

宋

穆延秀墓在 之陽有石表洛陽王

壽卿撰文并書篆山谷美其篆為贊其

上後徙置在岱嶽觀又改天使司碑尚

在今移文昌祠

廉復墓縣東南二十里李格非誌銘

金

木虎通墓在城北女郎山前有張茂蘭記

元

古蹟

卷五

五九

二

劉敏中墓在縣東南五里許西臯壓原上
張友諒墓在縣東南十五里相公庄

張養浩墓在縣東南十五里元為崖鎮今
為相公庄按一統志公有雲莊在府西
北一十里傳敏時所居中有雲錦池雲
香林掛月峯待鳳石邀閒堂處士菴及
綽然拙逸樂全九皋半仙五亭題咏甚
富乃自為記

洪起巖墓在縣

相公庄

魏誼墓在縣東南西臯庄一里

洪漢墓在縣西南十五里

劉崇墓在縣北三十里張家水西

喬木墓在歷城縣明賢鄉內

雙烈墓在女郎山北

烈女申記兒墓在縣北十六里高平鎮

明

臺灣國家圖書館, NATIONAL CENTRAL LIBRARY, TAIWAN, R.O.C.

楊烈婦墓在縣東五里山頭店

夏時墓在縣北六里

華珩墓在縣北一里

張茂蘭墓在縣東十五里

張舜臣墓在縣西十五里

欽賜奠祭

謝九儀墓在縣南三里 欽賜奠祭

劉泗墓在縣北 玉山頭店

李昇墓在縣北 三里

王昺墓在縣北 四十里

康迪吉墓在縣南二十里

楊選墓在縣東 二里

李開先墓在縣南三十里

劉祿墓在縣北 一里

王儀鳳墓在縣南 四里

張應吉墓在縣南 三里

臺灣國家圖書館, NATIONAL CENTRAL LIBRARY, TAIWAN, R.O.C

董生曰余考章城上
許丘隴三十八許世
入稅文志中
碑記諸襍撰若干業收



章邱縣志

貳

臺灣國家圖書館, NATIONAL CENTRAL LIBRARY, TAIWAN, R.O.C.



章丘縣志卷七

灾祥考

考曰古今言灾祥者率祖洪範與春秋傳如董仲舒劉向京房翼奉蓋詳哉乎其言之矣乃鄭樵通志則謂說洪範者為一種妖學以欺天說春秋者為一種妄學以欺人中引內史叔興論五石六鷁之異管輅論男入窰蛇啣筆鳥鬪燕之恠以為國家



之興衰休咎皆不可以灾祥論而獨歸之于和氣致祥乖氣致異其說甚正大足以開術家之口余竊謂宇宙大矣何所不有夫一氣之疾一蟲之妖一草一木之變化固不可質之以為禍福之應然亦有捷如桴鼓應若影嚮者大率德昌則灾反為祥德浸則祥反為灾余粵若稽古未聞大清之世而桑穀雉雉能為變大亂之世而麟鳳凰能為瑞善乎申繻之辭曰詎也與人無釁焉詎不自作然則德勝不祥義厭不惠從古記之稔矣章城之灾祥遠不可稽余故採漢以下天官書及五行志為灾祥志不敢著其事應若曰某事應某灾某事應某祥則牽合拘忌瑣離瓌襍恐犯鄭樵兩種之譏故不為也

漢文帝七年十一月戊戌土木二星合于危

武帝天漢二年泰山琅邪賊徐勃剽掠郡縣
遣繡衣使者暴勝之等追捕斬之

晉惠帝永寧元年十一月熒惑太白闕虛危
永康二年四月彗見齊分

晉元帝太興四年壬辰枉矢出虛危

晉孝靜帝元象元年山東大水蝦蟇鳴于

樹上

齊後主武平四年山東饑是時大興土木寤

侈極麗後宮侍御千餘人皆寶衣之

中氣之咎

隋煬帝大業六年鄒平民王薄擁眾據長白

山剽掠齊濟之郊十二年王世充擊破之

唐高宗永隆元年九月濟南大水溺死者甚

眾

唐文宗開成元年二月丙午有彗星在危長

尺餘西指南斗

宋太宗淳化二年十一月壬辰填星與熒惑

合于危

仁宗慶曆五年六月流星過虛危星有尾跡
明燭地是後英宗以濟州防禦使入承大
統

神宗元豐元年章丘河溢壞官民廬舍

哲宗紹聖三年九月戊戌日犯歲

孝宗隆興元年十二月壬午夜白氣見西南
方出危入昴

金章宗明昌二年秋山東東路旱大饑

衛紹王大安二年四月山東東路大旱六月

淫雨大饑斗米至千餘錢

元成宗十年冬十二月山東饑遣尚書武鼎

賑之

泰定帝泰定二年六月章丘蝗

三年夏四月濟南路饑免郡縣租稅

順帝至正六年二月山東地震七日乃止

七年三月山東地震有聲如雷

國朝成化十年濟南大稔斗米七錢

弘治七年濟南大稔

正德六年流賊劉六等攻掠山東郡縣都督
劉暉等捕斬之

七年六月黑青見至冬乃息時老幼皆擊銅
器以自衛通宵不寐

十三年章丘大水幾沒城

嘉靖七年大蝗飛蔽日

八年濟南郡縣蝗秋蝻生

十年復蝗

二十九年五月二十九日雨雹傷禾

三十七年五月雨雹大風拔木

隆慶五年五月大風雨壞屋拔木麥已登場

飄揚大半

萬曆十八年三月初三大風晝晦

十九年三月十三隕霜殺麥

二十一年普濟鎮民劉馬生卯報縣張公使人碎之石也京房曰馬生石主邑強

二十三年六月初二日申時雨雹傷下三鄉木綿谷樹之類百餘頃

二十五年五月內雹傷東錦麥百餘頃七月風傷穀八月境內無風水各溢尺餘十月上命太監採鉛礦于平頂山等處

二十六年四月明秀鄉大風拔木五月東錦鄉河窪庄蜚生麥秋俱枯里人云自二十一年生始一畝後漸滋生至本年方圓約七八里余已請命

城隍諭里人捕蜚一升給穀一斗至七月漸衰晚禾不為災

董生曰至治之世天不為災非無災也有災而不能為災也誠其吏廉徭輕政簡民淳即

水旱盜賊能為患乎惟夫吏斲甘棠之仁政
多碩鼠之殘斯支祁蚩蠹諸灾侵出而勝之
耳夫歆弭氛惡來休禎惟在擇任有司哉惟
在擇任有司哉

章丘縣志卷八

物產考

考曰禹貢青州岱畎絲枲鉛松惟石貨殖
傳云山東多魚鹽漆絲殼色章故岱以東
舊隸青州之域土厚水深諸所產毓儘號
饒益山不須喚鐵神鉦猫青龍眼川不須
何羅海稀婢履奴僑畜不須狝狉獫狁飛
菟貂澤植不須羊刺石瓜碧麥樵米而據

水旱盜賊能為患乎惟夫吏斲甘棠之仁政
多碩鼠之殘斯支祁蚩蠹諸灾侵出而勝之
耳夫歆弭氛惡來休禎惟在擇任有司哉惟
在擇任有司哉

章丘縣志卷八

物產考

考曰禹貢青州岱畎絲枲鉛松惟石貨殖
傳云山東多魚鹽漆絲殼色章故岱以東
舊隸青州之域土厚水深諸所產毓儘號
饒益山不須喚鐵神鉦猫青龍眼川不須
何羅海稀婢履奴僑畜不須狝狝獫狁飛
菟貂澤植不須羊刺石瓜碧麥樵米而據

語志所載及父老所道山林川澤田野園
圃諸穡產種種色色政如夏葛冬裘粟飯
麥餌利用厚生終咸賴之故鄙諺曰何以
綺綉為取其蔽軀何以橘柚為取其充腹
此言異物不如實用也誠如匹夫編戶之
氓每歲穀若干蔬蔬若干畦桑若干種雞
豚若干隻驢若干蹄牛若干力家終不
貧而讓素封美侷不其然而躬矜文縞口
窮窮豸耳目極聲色縱天雨珠玉地現舟
車恐不無徒壁而縣磬也余居嘗云罄天
之生不足供不勤之家悉地之有不足給
不儉之子不儉之子譬如漏卮不勤之家
譬如燠釜燠釜難潤漏卮易竭章產即饒
益然惰而生之侈而用之直立盡之術耳
故勤儉者民之二寶匪從天降匪從地出
豈所謂長有其饒益者邪非也

田野 穀稻大麥小麥蕎麥豆秫葛黍稷芝

麻薏苡木綿麻紅花小藍大藍槐藍靛

山林 白楊青楊榆柳槐桑柘椿段木胡木

松柏楸梧桐樗杜荆楮檉練栲椒 藥之

類黃芩蒼朮荆芥苦參桔梗防風柴胡遠

志地榆石膏半夏芍藥杏仁地黃天麻還

筒子金銀花桑寄生天青星香附子五味

子黑牽牛白牽牛馬兜鈴蛇床子草麻子

枸杞子車前子土鼈子扁蓄菴蓎麥蜋桑白

皮蟬蛻桑寄生艾葉薄荷紫蘇浮萍黃精

獸之類鹿獐麋狼狐狸野猪兔馬騾驢犬

猫 襍產類太湖石木炭煤石炭石灰

川澤 鱗之品魚鱉蚌蛤蜊蝦 水實之品

菱芡藕 羽之品鴨鵝禿鶩青鶩白鶩鶩

鴛鴦鵝鵝 溪之品竹筍荇藻蒲笋茭白

襍植之品葦葦菖蒲蒿艾蒲草

園圃 果之品梨柿棗西瓜冬瓜縑瓜稍瓜
王瓜木瓜葡萄櫻桃胡桃栗子白果蘋婆
沙果文官果 蔬之品大芥小芥韭菜蘿
蔔蒼薯波稜芡菱蒿苳胡蘿蔔茄藤蒿山
藥芋頭蔓菁葱蔥菜木耳白蘇子芹 花
之品菊花木槿花薔薇榴花刺梅花五色
梅荷花玉簪花芍藥花水灌珠石竹花玉
紅花水紅花滴滴金牡丹花洛陽花

章丘縣志卷九

王侯表

表曰余按漢封爵之誓曰黃河如帶泰山
若厲國以永存爰及苗裔申以丹書重以
白馬誠亦深根固蒂為不可拔者乎然或
僅及其身或不能二三世都為丘墟嗣或
庸保如將閭辟光以逆節誅偃以出國貶
享國綿遠施及孫子終西京無恙者祇節

園圃 果之品梨柿棗西瓜冬瓜縑瓜稍瓜
王瓜木瓜葡萄櫻桃胡桃栗子白果蘋婆
沙果文官果 蔬之品大蒜小芥韭菜蘿
蔔蒼薯波稜芡菱蒿苣胡蘿蔔茄藤蒿山
藥芋頭蔓菁葱蔥菜木耳白蘇子芹 花
之品菊花木槿花薔薇榴花刺梅花五色
梅荷花玉簪花芍藥花水灌珠石竹花玉
紅花水紅花滴滴金牡丹花洛陽花

章丘縣志卷九

王侯表

表曰余按漢封爵之誓曰黃河如帶泰山
若厲國以永存爰及苗裔申以丹書重以
白馬誠亦深根固蒂為不可拔者乎然或
僅及其身或不能二三世都為丘墟嗣或
庸保如將閭辟光以逆節誅偃以出國貶
享國綿遠施及孫子終西京無恙者祇節